




# Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/18667/2023 28/09/2023

Area / Unidade RR.HH PE0000 AMG	Documento 1081710AAF	
Código de verificación  4160 164W 225H 5B2A 0DH3	Expediente 108/2023/1427	
	Data 26-09-2023	

**Asunto:** Cobertura, en comisión de servicios, do posto de Técnico Medio de Tratamento da Información (ref. posto 105).

## RESOLUCIÓN

### ANTECEDENTES DE FEITO

**Primeiro.-** O xefe de Servizo de Informática e a xefa de Servizo de Xestión Tributaria, remiten ao Servizo de Recursos Humanos unha solicitude de convocatoria pública para a cobertura, mediante comisión de servicios, do posto de Técnico Medio de Tratamento da Información, nº referencia 105 da RPT.

Dita cobertura temporal de posto solicítase para a creación dun grupo de soporte especializado nas necesidades da Área de Economía e Facenda, dando servizo aos usuarios/as de Tesourería, Recadación e Xestión Tributaria, e responsabilizándose do soporte e normal funcionamento dos sistemas de contabilidade, recadación, xestión tributaria, interconexión bancaria; así como na anticipación das necesidades de reorganización que serán contempladas na modificación da RPT.

Todo o anterior, fai que resulte necesario, por causas de urxencia e extraordinaria necesidade, a cobertura temporal do posto de Técnico Medio de Tratamento da Información, nº referencia 105, para evitar prexuízos no correcto funcionamento do Servizo Xestión Tributaria e de Informática.

**Segundo.-** O día 2/08/2023 o Servizo de Recursos Humanos publica un anuncio de convocatoria para a cobertura temporal, do seguinte posto de traballo:

1. Técnico Medio de Tratamento da Información (referencia 105).

No citado anuncio, indícase que o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación deste anuncio.

**Terceiro.** As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT0000	Xestión Tributaria.	Técnico Med. Trat- Informac.	105	A1/A2	22	AE	FR09 ED

## CONSIDERACIÓNS LEGAIS E TÉCNICAS

**Primeira.-** O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 105 de Técnico Medio de Tratamento da Información, actualmente atópase vacante.

**Segunda.-** Unha vez examinada a solicitude recibida e o CV da candidata presentada, o coordinador xeral da Área de Economía e Planificación Urbana, en informe de 23/09/2023 con código de verificación 4Y360E2D5V3E2K5P08JA, así como o xefe de Servizo de Informática no informe de 07/09/2023 con código de verificación 0W5U6Y4L4N0W04520L69 emiten unha proposta de nomeamento de Dona Clara Pedreira Leis, en comisión de servizos, no posto de Técnico Medio de Tratamento da Información (nº ref. 105).

**Terceira.-** Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galicia, a cal establece que ao tratarse dun sistema excepcional e temporal non require un proceso de selección ordinario no que exista unha publicación dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.

Considerando a urxente necesidade de cobertura do posto de Técnico Medio de Tratamento da Información, (nº ref. 105) e co fin de que non se produza discontinuidade no funcionamento dos Servizos de Xestión Tributaria e de Informática, e tendo en conta o disposto nos arts. 81 e 84 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes,



# Concello da Coruña

así como que a funcionaria proposta reúne os requisitos, procede destinar a Dona Clara Pedreira Leis, en comisión de servizos, ao posto de traballo de Técnico Medio de Tratamento da Información co número 105 na RPT.

**Cuarta.-** Esta comisión de servizos ten carácter temporal e a súa duración será ata dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT0000	Xestión Tributaria.	Técnico Med. Trat- Informac.	105	A1/A2	22	AE	FR09 ED

**Quinta.** O posto de orixe de Dona Clara Pedreira Leis, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Informática	IF1400	Apoio a Informática	Xestor de proxectos informáticos	2098	A2/C1	22	AE	FR09

**Sexta.-** Os custos que xenere esta comisión de servizos atópanse orzados no grupo de programa 932, existindo crédito adecuado e suficiente para iso.

**Sétima.-** O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 05/07/2023 (BOP nº 131 de 11/07/2023), atribúese delegación xenérica en materia de xestión de persoal ao concelleiro delegado de Economía, e Planificación Urbana.

Á vista do informe emitido polo Servizo de Recursos Humanos, o Concelleiro responsable da Área de Economía e Planificación Urbana por delegación da Xunta de Goberno Local do 05/07/2023 (BOP núm. 131 do 11/07/2023), en uso das facultades que ten conferidas,

## RESOLVE:

1. Destinar a Dona Clara Pedreira Leis (NIF \*\*4499\*\*), en comisión de servizos, ao posto de Técnico Medio de Tratamento da Información (nº ref. 105).

As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT0000	Xestión Tributaria.	Técnico Med. Trat- Informac.	105	A1/A2	22	AE	FR09 ED

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución ao interesado, ao xefe de Servizo de Informática e á de Xestión Tributaria.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro delegado responsable da Área de Economía e Planificación Urbana

José Manuel Lage Tuñas